

Na osnovu člana 31. Zakona o unutrašnjim poslovima Zeničko-dobojskog kantona – Prečišćeni tekst («Službene novine Zeničko-dobojskog kantona», broj: 15/04, 11/05, 9/09 i 2/18), a u vezi sa članom 8. Zakona o ministarskim, vladinim i drugim imenovanjima Federacije BiH («Službene novine Federacije BiH», broj: 34/03 i 65/13), člana 59. i 60. Zakona o policijskim službenicima Zeničko-dobojskog kantona– Prečišćeni tekst («Službene novine Zeničko-dobojskog kantona», broj: 4/14 i 2/18), Nezavisni odbor za izbor i reviziju, na 31. sjednici, održanoj 12.03.2018. godine, r a s p i s u j e:

JAVNI KONKURS

za izbor Policijskog komesara Ministarstva unutrašnjih poslova Zeničko-dobojskog kantona

I

Pozicija Policijskog komesara uspostavljena je Zakonom o unutrašnjim poslovima Zeničko-dobojskog kantona.

Policijski komesar je rukovodni službenik, koji rukovodi Upravom policije.

II

OPIS POSLOVA I RADNIH ZADATAKA POLICIJSKOG KOMESARA

Policijski komesar je nadležan da donosi operativne odluke i rukovodi svim policijskim operacijama, te da nadzire sve policijske aktivnosti vezane za javnu sigurnost građana, sprečavanje i otkrivanje krivičnih djela, te da obavlja sljedeće zadatke:

- na dnevnoj osnovi planira, rukovodi i nadzire sve policijske aktivnosti;
- neposredno rukovodi policijskim aktivnostima, a u vezi s tim organizuje, planira, nadzire, usmjerava i koordinira rad Policije;
- donosi odluke o zapošljavanju i raskidanju ugovora o zapošljavanju u skladu sa zakonom i nakon konsultacija sa ministrom;
- raspoređuje i premješta zaposlene na i sa odgovarajućih radnih mjesta u Upravi policije i donosi odluku o rasporedu i premještanju. Prije donošenja odluke o raspoređivanju ili premještanju rukovodilaca u Upravi policije, komesar Policije će konsultirati ministra i sa pažnjom uzeti u razmatranje njegovo mišljenje;
- priprema prijedlog budžeta za potrebe Policije i odgovoran je za sva finansijska i materijalna sredstva dodijeljenja Policiji;
- priprema programe, informacije, analize i ostale materijale iz djelokruga policijskog rada;

- redovno informira ministra o preduzetim policijskim aktivnostima;
- nadgleda rad Jedinice za profesionalne standarde, koja se sastoji od unutrašnje disciplinske kontrole, unutrašnjih inspekcija i revizija, te razmatranja i razvoja načela.

III

Mandat Policijskog komesara traje 4 godine, s tim da isto lice može biti birano najviše dva puta uzastopno odnosno mandat mu se može obnoviti samo za drugi uzastopni mandat.

Policijski komesar će biti odabran transparentnim i nezavisnim selektivnim procesom od strane Nezavisnog odbora za izbor i reviziju.

Nezavisni odbor razmatra prispjele prijave, vrši selekciju i odabir odgovarajućih kandidata i predlaže kandidata za Policijskog komesara ministru Ministarstva unutrašnjih poslova Zeničko-dobojskog kantona.

Imenovanje Policijskog komesara, na prijedlog ministra Ministarstva unutrašnjih poslova Zeničko-dobojskog kantona vrši Vlada Zeničko-dobojskog kantona, na period od 4 godine.

IV

Kandidati moraju ispunjavati sljedeće uvjete:

A - OPĆI UVJETI:

1. da su državljani BiH,
2. da su stariji od 18 godina,
3. da nisu otpušteni iz državne službe, kao rezultat disciplinske mjere na bilo kojem nivou vlasti u BiH u periodu od 3 godine prije dana objavljivanja upražnjene pozicije,
4. da se na njih ne odnosi član IX.1. Ustava BiH.

B- POSEBNI UVJETI:

1. VII stepen stručne (školske) spreme ili najmanje završen prvi ciklus obrazovanja, (Bolonjskog sistema studiranja), sa 240 ECTS bodova,
2. najmanje 10 (deset) godina radnog iskustva u policiji na rukovodnim pozicijama (isključujući period od 01.marta 1992. do 14. decembra 1995. godine) i dokazanu sposobnost rukovođenja složenim poslovima. U smislu Zakona o unutrašnjim poslovima Zeničko-dobojskog kantona «rukovodna pozicija u policiji» označava poziciju višeg inspektora ili višu poziciju, uz to

- kandidat treba da ima najmanje čin samostalnog inspektora policije, te da je u tom činu proveo najmanje dvije godine;
3. da mu je odobreno privremeno ovlaštenje ili autorizacija od UN/IPTF;
 4. da na dan početka svog mandata ne ispunjava uvjete za penzionisanje u skladu sa Zakonom;
 5. da nije član političke stranke;
 6. da nije, ili da nije bio na bilo kojoj poziciji u političkoj stranci na bilo kojem nivou;
 7. da nije ili da nije bio postavljen na bilo koju poziciju od strane političke stranke;
 8. da nije ili da nije bio član izvršnog ili zakonodavnog tijela na bilo kojem nivou;
 9. da nije na spisku Međunarodnog tribunala za ratne zločine u bivšoj Jugoslaviji;
 10. da protiv kandidata Međunarodne policijske snage (IPTF) nisu izdale izvještaj o nesaradnji;
 11. da mu nije izrečena pravosnažna presuda za kaznena djela sa umišljajem ili za zloupotrebu položaja, kako je to utvrđeno Kaznenim zakonom i Zakonom o kaznenom postupku;
 12. da mu nije ikada izrečena disciplinska kazna za teže povrede službene dužnosti.

V

Uz prijavu na javni konkurs, sa kratkom biografijom, kandidati su dužni dostaviti slijedeće dokumente, (originale ili ovjerene kopije):

1. Izvod iz matične knjige rođenih sa rokom važnosti trajno, (original ili ovjerenu kopiju),
2. diplomu o stečenoj stručnoj spremi, (original ili ovjerenu kopiju),
3. uvjerenje o državljanstvu (original ili ovjerenu kopiju ne stariju od šest mjeseci)
4. Uvjerenje o radnom iskustvu na rukovodnim pozicijama u policiji, (pozicija višeg inspektora ili viša), sa vremenskim periodom obavljanja istih i sa naznakom čina koji kandidat ima, kao i naznakom da se radi o rukovodnoj poziciji i vremenskog perioda koji je kandidat proveo u tom činu;
5. Uvjerenje od poslodavca kod kojeg je u radnom odnosu da ne ispunjava uvjete za penzionisanje u skladu sa Zakonom, (računajući i staž osiguranja sa uvećanim trajanjem, tzv.beneficirani radni staž),
6. Mišljenje jednog ili više sadašnjih ili prethodnih pretpostavljenih rukovodilaca o dokazanoj sposobnosti rukovođenja složenim poslovima;
7. Akt ili akreditacija UN/IPTF o odobrenom privremenom ovlaštenju ili autorizaciji;
8. Izjavu ovjerenu od nadležnog organa o ispunjavanju uvjeta iz tačke IV-A 3. i 4. općih uvjeta i tačke IV-B 5., 6., 7., 8., 9. 10. i 12. posebnih uvjeta,

9. Izjavu ovjerenu od nadležnog organa o svom imovinskom stanju, koja će biti otvorena za javnost, (obrazac izjave kandidati će preuzeti u Stručnoj službi Skupštine ZE-DO kantona ili sa web stranice Kantona www.zdk.ba),

Dokaze o ispunjavanju uvjeta iz tačke IV-B 11. posebnih uvjeta, Nezavisni odbor za izbor i reviziju će pribaviti po službenoj dužnosti od nadležnih organa, shodno odredbi člana 227. stav (2) Zakona o krivičnom postupku Federacije BiH, poslije isteka roka za prijavu na javni konkurs i pregledavanja svih dostavljenih prijava kandidata i priložene dokumentacije, (za one kandidate koji budu ispunjavali sve druge propisane uvjete).

U slučaju da u dostavljenim dokazima, izdatim od nadležnih organa, postoje određene nejasnoće koje dovode Nezavisni odbor u dilemu oko ispunjavanja nekih od propisanih općih i posebnih uvjeta ovog javnog konkursa, Nezavisni odbor zadržava pravo da službenim putem traži o tome odgovarajuće pojašnjenje, ili mišljenje od nadležnih organa, kao i dostavu odgovarajućih akata kao dokaza.

Javni konkurs će biti objavljen u «Službenim novinama Federacije BiH» i u 2 dnevna lista koja su dostupna čitaocima na cijelom prostoru Bosne i Hercegovine, („Dnevni avaz“, i „Oslobođenje), kao i na web stranici Zeničko-dobojskog kantona www.zdk.ba

Prijave sa potrebnom dokumentacijom se dostavljaju u roku od 15 dana od dana posljednje objave konkursa na zajedničku pisarnicu (protokol) Zeničko-dobojskog kantona ili putem pošte preporučeno, na adresu:

Skupština Zeničko-dobojskog kantona – Nezavisni odbor za izbor i reviziju, ul. Kučukovići br.2. 72000 Zenica, sa naznakom: «Javni konkurs za izbor Policijskog komesara MUP-a Zeničko-dobojskog kantona» - NE OTVARAJ.

Nepotpune i neblagovremene prijave neće se uzimati u razmatranje.